

FRANCISCUS FRELLONIUS  
Christiano lectori S.

En tibi, Christiane lector, sacrorum cano-  
num tabulas, cum earundem & Latina & Gal-  
lica interpretatione officiosè exhibemus: Illud  
in primis admonentes, vt reiectis Veneris, &  
Dianæ, cæterarumque dearum libidinosis ima-  
ginibus, quæ animum vel errore impediunt,  
vel turpitudine labefactant, ad has sacrosanctas  
Iconas, quæ Hagiographorum penetralia di-  
gito commonstrant, omnes tui conatus refe-  
rantur. Quid enim pulchrius, aut Christiano  
homine dignius, quàm ad has res animum adii-  
cere, quæ solæ fidei mysteria sapiunt, & Deum  
creatorem nostrum vnicè amare, ac veram  
religionem profiteri præcipunt? Tuum igitur  
erit hunc nostrum laborem æquo animo susci-  
pere, ac cæteros commonefacere, vt eiusmodi  
omnia ad Dei largitoris beneficen-  
tissimi gloriam, & honorem diri-  
gere meminerint. Vale

Lector, & fruire.

Nicolai Borbonii Vando-

perani Poetæ Lingonensis  
Ad Lectorem Carmen.



UPER in Elysio cum fortè erra-  
ret Apelles,  
Vnà aderat Zeusis, Parrhasiusque  
comes.

Hi duo multa satis fundebant verba: sed ille  
Interea mœrens, & taciturnus erat.

Mirantur comites, farique hortatur, & vrgēt:  
Suspirans imo pectore Cous, ait:

O famæ ignari, superis quæ nuper ab oris  
(Vana utinam) Stygias venit ad usque domos:

Scilicet, esse hodie quendam ex mortalibus unum,  
Ostendat qui me vosque fuisse nihil:

Qui nos declaret pictores nomine tantum,  
Picturæque omneis antè fuisse rudes.

Holbius est homini nomen, qui nomina nostra  
Obscura ex claris ac propè nulla facit.

Talis apud Manes querimonia fertur: & illos  
Sic equidem meritò cenfeo posse queri.

A 2